

T H E C H A R T E R

et ordinavimus Ulterius igitur SCIATIS quod NOS pro NOBIS, Hæredibus et Successoribus nostris eidem modo Baroni (de cuius Fide Prudentia Justitiæ et providæ Animi Circumspectione plurimum confidimus) et Hæredibus suis pro bono et fælici dictæ Provinciæ Regimine LEGES quascunque sive ad publicum ejusdem PROVINCIÆ Statum sive ad privatam singulorum Utilitatem pertinentes juxta sanas Discretiones suas de et cum Consilio Assensu et Approbatione Liberorum Hominum ejusdem PROVINCIÆ vel majoris Partis eorundem vel eorum Legatorum vel Deputatorum quos ad LEGES condendas quum et quoties Opus fuerit à præfato modo Barone de *BALTIMORE* ac Hæredibus suis ac in Formâ quæ illi vel illis melior esse videbitur convocari volumus condendi faciendi edendi et sub Sigillo prædicti modo Baronis de *BALTIMORE* ac Hæredum suorum promulgandi easque in omnes Homines infra dictam PROVINCIAM et Limites ejusdem pro Tempore existentes vel sub illius vel illorum Regimine et Potestate *TERRAM MARIAE* versus navigantes aut inde redeuntes extra vel ad Terram *Angliae* vel extra vel ad aliqua alia Dominia nostra vel aliena ubilibet constituta per Mulctarum Impositionem Incarcerationem et aliam quamlibet Coercionem etiam si oporteat et Delicti Qualitas id exigerit per Membri vel Vitæ Privationem per Se præfatum modo Baronem de *BALTIMORE* et Hæredes suos seu per Deputatum Locum-tenentem Judices Justiciarios Magistratos Officiarios et Ministros suos secundum Tenorem ac veram Intentionem Præsentium constituendos et conficiendos debitè exequendi Judicesque et Justiciarios Magistratos et Officiarios quoscunque ad quascunque Causas et cum quâcunque Potestate et in Formâ quæ præfato modo Baroni de *BALTIMORE* vel Hæredibus suis melior esse videbitur Terrâ illâ ac Partium illarum Mari constituendi et ordinandi Crimina item et Excessus quoscunque contra hujusmodi Leges sive ante Judicium acceptum sive post remittendi relaxandi et pardonandi et abolendi cæteraque omnia alia et singula ad Justitiæ Complementum Curiasque Præatoria et Tribunalia Judiciorum Formas et Procedendi Modos pertinentia etiam si de illis expressa in Presentibus non fiat Mentio ac in Curiis Prætoriis et Tribunalibus illis in Actionibus Sectis Causis et Negotiis quibuscunque tam Criminalibus quam Personalibus Realibus et Mixtis ac Prætoriis Procedendi Placita tenendi et terminandi per Judices per ipsos Delegatos libram plenam et omnimeadum Tenore Præsentium concedimus Potestatem Quas quidem Leges sic ut præmittitur promulgandas absolutissimâ Juris Firmitate niti et ab omnibus Hominibus Subditis et Ligeis nostris Hæredum et Successorum nostrorum quatenus eos concernunt in Partibus illis custodiri et sub Pænis in eisdem expressis et exprimendis inviolabiliter observari Volumus injungimus præcipimus et mandamus ITA TAMEN quod Leges prædictæ sint Rationi consonæ et non sint repugnantes nec contrariae sed (quoad convenienter fieri poterit) consentaneæ Legibus Statutis Consuetudinibus ac Juribus hujus Regni nostri *Angliae*.

VIII. ET QUONIAM in tantæ PROVINCIÆ Regimine repentini Casus sæpe numero contingent quibus necessè erit Remedium adhiberi antequam Liberi Tenentes dictæ PROVINCIÆ Legati vel Deputati sui ad Leges condendas convocari possint nec idoneum erit continuò tali Casu emergente tantum Populi convocari IDCIRCO pro meliori Gubernatione tantæ PROVINCIÆ Volum Ordinamus ac per Præfentes pro NOBIS Hæredibus et Successoribus n præfato modo Baroni de *BALTIMORE* et Hæredibus suis concedimus quod præfatus modo Baro de *BALTIMORE* et Hæredes sui per se vel Magistratus et Officiarios in eâ Parte debitè ut præfertur constituendos operationes idoneas et salubres de Tempore in Tempus facere et constituere j et valeant infra PROVINCIAM prædictam custodiendas et observandas ta Custodiâ Pacis quam pro meliori Regimine Populi ibidem degentis